

RECTOR
ACADEMIAE VITEMBERGENSIS
**GEORGIUS
AVGVSTVS
LANGGVTH**

PHILOSOPH· ET MEDIC· DOCTOR
ANATOM· ET BOTANIC· PROF· PVBL
ORDINARIVS FACVLT· MEDICAE
ASSESSOR

CIVIBVS ACADEMICIS

S P D



*

*

*



audite gentes ! succubuit Deo
Vis fracta Mortis : regna pauent Stygis:
Dis fraena mordet : Pax Salusque
Purpureo reuirefcit aeuo.

Hic ille Vindex coelipotens, Dei
Propago, ftirpis Daudicae genus,
Heros biformis, iam triumphans
De Stygiis remeauit undis.

Formidolofo uiuidus impetu
Prostrauit hoftes illacrymabilis
Praedator Orci, et dira monftra
Horrifico domuit duello.

Diuina magni fulgura Vindicis
Expauit atri nox pigra Tartari,
Et furua Cocyti fluenta
Attonitis ftupuere ripis.

Paruo fepulcri claufus ab angulo
Per firma fractis clauflra repagulis,
Per faxa difruptafque cautes
Fulmineo penetrauit ictu.

Iam iam ille Vindex puluere ftat fuper,
Pugnae decoro puluere fordidus,
Palmasque uictrices et Orci
Tendit ouans fpolia ampla coelo.

Iam gloriosum terra tremens Ducem
Adeffe sensit; raucus iit fragor
Coelo, Palaestinaeque late
Personuit graue murmur arua.

Horrore magno subfiluit procul
Impulsus Hermon, iam Libani iuga
Concussa, Carmelique saltus
Infolito tonuere motu.

Quassae tetendit terror in intimas
Terrae cauernas, foedaque Tartari
Victi retexit probra uastis
Diffidiis patefacta tellus.

Videre uiui te reducem, Deus,
Videre Manes! atque suae Duci
Plausere uitae; seculorum
Cum ueterum generosa proles

Canum uetustis de tumulis caput
Hospes superni protulit aetheris,
Miroque uisu circum oberrans
Dauidicam tremefecit urbem.

Non, si Siloae fons mea pectora
Si dulcis Hebron flumine proluat,
Possim triumphos atque dona
Principis enumerare uitae.

Te, magne Mortis Clauiger et Stygis,
Inuicte IESV., te canat ultimus
Et primus orbis, te perennis
Laus et honor manet omnis aevi

Per te renatum candida Fauſtiras
Orbem reuiſit, Pax nitet aureo
Aeterna uultu, ſempiternis
Terror abeſt domitus catenis.

Non dextra ſaeuae Mortis ahenea,
Non ipſa Fati dira neceſſitas
Vrget redemptos, tu ſalutis
Praefidium columenque noſtrae.



Funecta lethi ſeniſta te duce
Eſt laeta nobis. Ibimus! ibimus!
Calcare tecum luctuoſae
Mortis iter comites parati.

Vitae Datori plaudite maximo!
Victorioſo plaudite Vindici!

ARAMQVE, CIVES, NVNC LIBENTES
IMPOSITIS CVMVLATE DONIS.

P. P.
IPSO FESTO RESVRRECTIONIS CHRISTI,

A. R. S. MDCC L

VITEMBERGAE
FRELO EPHRAIM GOTTLOB EICHSFELDI
ACADEMIAE A TYPIS